

1. He inoi atu kia koe e te Pihopa, kia whakahohorotia te wa, e whakahoroa katoatia mai ai e koutou e nga Pihopa Pakeha te Mana Motuhake o te Hahi Maori ki te Pihopa o Aotearoa.

2. He taonga whenua, moni ta o matou matua i tapae ai ki te Hahi, hei whakatu kura mo a ratou uri i muri i a ratou. Ko te wariu topu e £22,000. Ko tetahi wahi o te itareti o te moni nei e £2000 e puta ana hei whangai i te Kaveti o Otaki. Kei te Poari o te Hahi enei moni e pupuri ana. Ko te hiabhi o Ngati Raukawa, ina whakahoroa te mana motuhake ki te Pihopa o Aotearoa, kia tukua katoatia enei moni hei kaupapa mo te Pihopatanga Maori.

3. He whenua ano i tukua ki te Hahi hei tiaki i to matou temepara i Rangiatea. He moni ano hoki i kohia i te Hui Tiupiri, whakamaharatanga i te tangonga o Ngati Raukawa i te whakapono i te tau 1880. Mai i taua wa ki naianei ka £16,500 taua moni. E £550 e tangohia ana hei orange mo nga minita Maori o te Pihopatanga. Me pera ano tenei tahua me tera i te No. 2.

4. Whakakorokoroa nga tikanga o te Kura minita o St. John kia rite ki nga ahuatanga o te Raukahikatea i nga ra ka huri. Tokorua a matou nei taitama i akiritia mai e te Poari o taua kura, he kore whai tuwhikete o nga kura o runga-Kaua tenei.

TE PIHOPA O PONEKE.

E rua nga take naana ahau i kawe a-tinana mai ki wae-nganui i a koutou, ki to koutou marae atahua. Tuatahi: He whaka honore naku i to koutou Pihopa. Tuarua: He whakahoro atu naku i to koutou mana ki to koutou Pihopa. He hanga atahua a koutou mihi he nunui hoki a koutou putake, no reira e kore e taea te whakahoki poto atu i konei. Otira ka aata whakaarohia ena putake. Ma to tatou Hinota e aata wananga. Tena ano e pena te tukunga iho, me ta koutou e tumanako na kia motuhake te pihopatanga o te iwi Maori-Kaua e ponana. Aata ngoi marike. A enei tau e heke iho ka riro katoa atu i a koe to taonga. Kia ora mo a koutou mihi, me nga manaaki.

TE PIHOPA O AOTEAROA.

Tena koutou e Ngati Raukawa, nga nei o te hunga ka rupeke ki te po. Ahakoa kua hamate ratou, ko a ratou mahi e ora tonu ana. Tena koutou, me a koutou manaaki mai i a maua ko to tatou matua ko te Pihopa o Poneke. E hari ana ahau moku i rongo i ana whakautu i a koutou putake i whakatakoto mai ki mua i a maua. Manaaki mai hoki i au i to koutou Pihopa. Ma koutou ahau e tautoko, ma nga iwi o te Motu, ka mama te haere o nga mahi o to tatou Pihopatanga. Katahi ano ahau ka rongo i nga take penei te nunui i a koutou e